

JGH Hoppmann
Astronomia Teutsch

JGH Hoppmann

Astronomia Teutsch

Himmels Lauff, Wirkung und natürliche Influenz

Mittelalter-Astrologie
in moderner Transkription

arsastrologica



© 2021 Jürgen G.H. Hoppmann

Herausgeber: Bookmundo Direct

Umschlaggestaltung, Buchsatz und Verlag:

ArsAstrologica, Krischelstraße 13, 02826 Görlitz

Abbildungen Frontcover und Innenteil: Astronomia Teutsch 1578

Gemälde auf Foto Backcover: Waltraut Geister, Jauernick-Buschbach

Vollkorn Variable Font: Friedrich Althausen, Schwielowsee


Lato font family: tyPoland Lukasz Dziedzic, Warszawa

**StarFont: Anthony I.P. Owen, København*

ISBN: 978-9403623627

Das Werk, einschließlich seiner Teile, ist urheberrechtlich geschützt. Jede Verwertung ist ohne Zustimmung des Verlages und des Autors unzulässig. Dies gilt insbesondere für die elektronische oder sonstige Vervielfältigung, Übersetzung, Verbreitung und öffentliche Zugänglichmachung. Detaillierte bibliografische Informationen sind in der Deutschen Nationalbibliothek unter dnb.d-nb.de abrufbar.

Die Stundenregenten



Welcher von den sibem Planeten zu jeglicher stund regiere /
im tag vnd nacht / durch das gantze Jar.

Auf den Sambstag / in der ersten Planeten stund deß tags / fahe an mit
dem Saturno zu zehlen / sprich: ♄ ♂ ☉ ♀ ♃ ☾ für vnd für / als wider
vornen angefangen / so viel man stunden hat.

Am Sonntag fahe an zu zehlen an ☉. Am Montag ☾. Am Dienstag von ♂.
Am Mittwoch von ♀. Am Donnerstag von ♃.

Am Freytag von ♀.

Und also wider an. Solche Rechnung fahe an morgens zu einer vhren /
nach mittelm lauff.

Willtu aber den waren lauff erfahren / so mustu einen jeglichen tag von
Auffgang der Sonnen biß zum Nidergang / vnd die nacht von Nidergang
biß wider zu Auffgang / in 12. gleiche theil vnderscheiden / vnd demnach
von Auffgang der Sonnen allweg dein rechnung anfahen.

Deß ein Exempel.

An dem 20. tag deß Mertzen zwischen 10. vnd 11. vor Mittag / ist die zal gefunden worden 5. ey tag / vnd ist auff Sambstag / heb man von Saturno an zuzehlen / also / gib den ♄ 7, ♃ 6, ♂ 5, ☉ 4, ♀ 3.

Also ist der Planet Venus die regiererin / oder wirt genannt die stund Veneris.

Auff den Samstag zu der 5. stund were Saturnus der Planet regierer / auff Montag Sol / auff Dinstag Luna / auff Mitwoch Mars.

Verstehe / so der tag gefiele auff den 20. tag Martij / zwischen 10. und 11. vor Mittag.

Von dem Planeten ♄ Saturno



Ein Alt / Kalt / Fauler / Wendt den schimpff /
Unflätig / hässig / han keinn glimpff.
Mein kind feindselig / neidig / herb /
Metall / Bley / Eisen / mein gewerb.

Saturnus ist der erst vnd oberst Planet / Ein verderber vnnnd feind der natur / gifftig von natur / katl vnnnd trucken / bezeychner der arbeyt / auß den farben schwartz / sawr an dem geschmack.

Auß den tagen den Sambstag / vnnd nächten Dinstags nacht. Er lauffet so hoch am Himmel / daß er in 30. Jaren / 5. tagen vnnd 6. stunden durch die 12. zeychen laufft / ist inn jedem Zeychen dritthalb Jar.

Von wegen seiner höhe sihet man jhn selten.

Die Wag ist sein erhöhung / darinn er grossen gewalt hat / Der Steinbock vnd Wassermann seine heuser.

Im Krebs vnnd Widder hat er kein glück. Der Widder ist sein fall. Saturnus ist einer verderbten natur / wie die Sonn einer lebend machenden.

Wann Saturnus so nahe bey der Erden wer als der Mon / so were es allezeit Winter.

Die grösse Saturni ist ein achttheyl der Sonnen.

In den stunden ♄ Saturni

ist gut schwere ding kauffen vnnd verkauffen / als Eisen / Bley / vnnd allerley Metall vnnd schwer Ertz / schwere stein / schwartzgewandt / gut Gärten bawen / Weiher grab en / Ertz graben / vnd was in der Erden zuhandlen ist / gut seine feind mit list bekriegen / graw thier reiten / als Esel / Rossz vnnd Maulesel / gut allerley speiß einkauffen / gut sähwen vnd äcker bawen.

In der stund Saturni ist nit gut Arznei nemme / neue kleyder schneiden noch anlegen / haar beschneiden / gehe in kein Schiff / reyse nicht vber feld / such kein feind / mach kein Ehe / wirff oder scheuß niemandt / nit aderlasse / nit schrepffe / Ist nit gut gley fordern noch nemmen / er geneußt sein nicht.

Wer in der stund krank wirt / ligt lang / stirbt zuletzt. Es ist böß mit grossen / besonders Geystlichen Herrn handlen / mit Fischern / Jägern /

vnnd freunden / böß anfahen zu bawen maurwerck / nit gut gesellschaft
machen / Weiber nemmen / sie leben sonst inn vnliebe.

Ein Kind geborn in ♄ Saturnus stund

Wirt ein träger / schwermütiger Mensch / mit eim dünnen bart /
bleycher gelben farb / dick / hart / schwartz haupthaar / Ist hochmütig /
fahet viel an / richt nichts recht auß / wil vber andere leut seyn / wirt
selten reich / wonet gern bey wassern / Ist von natur diebisch / räubisch
/ neidisch vnd hässig / er sticht gern / vnglückhafft inn allen seine
sachen / hat viel vnreiner hitz / wirdt schnell kranck / zürnet nicht
leichtlich / helt lang zorn / seines guts vnmildt / lügenhafft / hat tieffe
mörderische augen / ist vngern bey vilen leuten / tregt gern schwartz /
grawet bald / ist kein frawen mann / redet gern mit jm selbst / ist wol
beredt / sihet gern vndersich.

So die Sonnen im Christmon inn Steinbock / oder im Jenner inn
Wasserman laufft / ist Saturnus viel kräftiger inn seinen stunden dann
zu anderer zeit.

Item / so der Mon new wirt in Saturnus stund / derselbige Monat wirt
fast kalt / vnd das mehrer theyl feucht.

Saturnus hat am Menschen innen das miltz / darumb so artzney das
miltz nit / so es in Saturnus stundt ist.

Das recht ohr / vnd blasen / frawen vnnd manns besitzt er auch / vnnd
zum theyl Phlegma.